



## Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi  
Ad Thermas Cardinalis Presbyteri Opera Quotquot  
hactenùs separatim edita fuerê Omnia**

**Bona, Giovanni**

**Antverpiae, 1677**

§. 3. Daemonium meridianum quid sit. Sextae horae mysteria ex sacris  
libris. Hac hora crucifixus est Christus.

**urn:nbn:de:hbz:466:1-10805**

Ergo age, jam propera, qui causa mei tormenti  
Solus es, ab! tantas spes mea, rumpe moras,  
Rumpe moras, alioquin languens, usque flammis  
Sponsetuis, sine te deficiens moriar.

3. Meridie autem oramus, quia Christus Salvator noster semper medio est oblectatus. Nam ut salutem operaretur in medio terrae, media nocte natus est in medio duorum animalium, & adhuc puer in medio Doctorum disputavit. Cum viræ autem, atque virtutum jam perfecta suscepisset incrementa, sua volens impartiri charisimata, dicebat q, Ego sum in medio vestri, sicut qui ministrat. ¶ Affixus Crucis in medio latronum, futuro præludens judicium, bonum ad dexteram, malum habuit ad sinistram. Post triumphalem resurrectionem stans in medio discipulorum pacis suæ pignore ditavit illos. In regno autem suo vius est à Joanne in medio throni, in medio quatuor animalium, in medio seniorum. Nos etiam inter medios Cleros, medioque die, in medio Ecclesiæ laudem dicimus illi, ut doceat nos medium in omnibus tenere, dictumque illud sapientum in medio cordis nostri exculpere dignetur, ut ne quid nimis. Adagium celeberrimum est apud Joannem Tzecemr, Dimidium plus toto: nihil est enim aurea mediocritate præstabilius, atque ut Tragicus canit. *s*

*Quisquis medium defugit iter,  
Stabili nunquam tramite curret.*

Hæc est autem mediocritas non ambulare in magnis, neque in mirabilibus super se: & ut docet Bernardus, Non infra dejici, non attollis supra, non evadere in longius, non extendi in latius. Locus medius tutus est. Medium fedes modi, & modus virtus. Medium qui deserit, malos exitus habet. Galenus uero medium commendat tanquam primarium valetudinis fulcimentum: & Moderatus Columella x illud præceptum maximè extollit, quod Sapiens unus de septem posteritati pronunciavit, *μέρος ἀρίστος* medium semper, & modum rebus adhibendum. Denique carmen aureum Pythagoræ y est; Optima res medium est super omnia.

q. *Luc. 22: 27.* r. *Jo. Tzetzes Chiliad. 7. v. 235.*  
s. *Seneca in Oepid. act. 1.* t. *Bern. de consider. lib. 2.  
cap. 10.* u. *Galen. de san. tuenda lib. 1. cap. 8. circa  
finem.* x. *Columel. lib. 1. cap. 3.* y. *Pythag. in car-  
minibus antris v. 38.*

## M E T R U M XVII.

N On fasces igitur, non nimis opes,  
Non plebis cupiam munera divitis,  
Latam singere vitam  
Si possim arbitrio meo.  
Ridet terrifaci fulminis impetum  
Arbor, quæ gelidis vallibus incubat;  
Nec cols timet iram  
Tæti pauperis incola.  
Cerat dum volucres vincere calicas,  
Nomen Dædalides eripuit freto:  
Alter, dum errat in axe,  
In flumen stolidus ruit.  
Stet quicunque volet culmine lubrico,  
Regalique potens sanguine: mox eris  
Stulta fabula plebis,  
Mundique inflabilis jocus.  
In magnis requies est minor: imminet  
Mors illis gravior, qui nimis omnibus  
Fama, & stemmate noti,  
Ignoti percunt sibi.

§. I I I.

Dæmonium meridianum quid sit. Sextæ horæ mysteria ex sacris libris. Hac hora crucifixus est Christus.

1. S exta item hora oratio necessaria est Sanctorum exemplo, ait Basilius z, ut libere mur ab incursu, & dæmonio meridiano: ab infidiis scilicet malignorum spirituum, qui cum merito tenebrose voluntatis in malo proflus confirmatae nocte perpetua damnati sint, solent tamen ad decipiendos incautiores non solum diem, sed & meridiem simulare. Hoc Sanctus Bruno a Carthusianorum sanctissimus Institutio ad eos similiter refert, qui ex patre diabolo orti desideria ejus, & opera conantur perficere. Hæretici, inquit, in meridiano videntur esse, id est ad modum meridiei ferventes in bona operatione, cum quædam simulatoria bona opera faciant, & clari, & splendidi in humanis, & subtilibus sententiis suis falsissimis videantur. Hi meridiem promittunt, sed quoniam Christi lumen non habent, non sunt meridies, ait Hieronymus b, sed dæmonium meridianum. Iti sunt qui dicunt; Ecce hic est Christus, ecce illic c, confluent autem

z. *Basil. reg. fus. q. 37.* a *Bruno. in Psal. 90.* b *Hieron.*  
in eund. *Psal.* c *Marc. 13: 21.*

autem ad illos multi, & credunt eis, quos faciunt filios gehennæ duplo quam se. Sed & malis Christianis tanquam membris suis utitur tentator, ut improvidis sub specie boni malum persuadeat. Sententia aurea oris aurei est *d*; Cūm in temptationibus impugnatur à malignis Christianis anima Christiana pro sua religione, & pro sua fide confusio nascitur, & ardor cum rubore, & fit quasi meridies, quando igneus est Sol. Nam illi, qui alta radice non sunt fundati, tempore temptationis, exorto Sole arescant. Et hoc facit dæmon meridianus, ut recedat Christianus à fide: vel verecundia perfusus confundatur Christianus esse. Cor hoc, nisi quia non est ibi meridies, & perspicua lux, qua veritas agnoscatur? Sicut igitur in noctis tenebris, ait Origines *e*, ita & in meridie plures dæmonum tentationes, quam cæteris temporibus se demonstrant. Utinam diffundat radios suos super nos ille meridies, qui totus dies est, qui vespere nescit, & ignorat occasum, cuius fulgore coruscante Angelum teñebicosum, qui se transfigurat in Angelum lucis, à vero sanctoque Angelo discernamus, ut non notemur à Propheta tanquam ponentes lumen tenebras, & tenebras lucem.

*2.* Orandum meridie, inquit Ambrosius *f*, quia hoc tempore virtus Divinæ lucis operatur. Abraham *g* circa meridiem sobrias tendebat excubias, & boni aliquot expectabat eventus, levans oculos suos, ac finitima perlustrans, quod eo tempore adveniente gratiam sibi quereret. Illo igitur tempore cum duobus Angelis suis Divinus ejus hospes ad venit: illo tempore Christum suscepit hospitio, illo tempore illa qua legis, & intelligis, celebrata mysteria sunt. Quando enim magis debuit fidem virum Divina illuminare præsentia, quam cum lux diei plenior resulgeret? Meritoque etiam sanctus Joseph *h* receperit fratribus, & accessito juniore germano, quem maximè diligebat, meridie instaurat convivium. Erat enim meridies in sancti Joseph pectore, quando laetas epulas fratribus splendentis gratiae ministrabat, suavissimique cibos alloquii dividebat. Habeamus ergo in nobis meridiem. Meridies est ei, cuius iustitiae Sol resulget, & cuius opere bono, vel cogitationibus innoxiosis, & pura mente, atque sincera pascitur Christus. Disce igitur quemadmodum tibi ipsi fias meridies. *Revela*, in-

*d Chrysost. in ps. 90. e Origen. vel alias. Actor sub ejus nominib. 1. in Job. f Ambros. in ps. 118. v. 62. g Gen. 18. 1. h Gen. 43. 16.*

quit *i*, *Dominō vitam tuā, & spera in eum. & ipse faciet, & deducet sicut lumen iustitiam tuā, & judicium tuum tanquam meridiem.* Ubi enim vera est fides, ibi veri luminis gratia est. Ubi innocentiae prolixior custodia, virtutumque longa meditatione processus, ibi splendor bonæ conscientiæ diu permanens, ibi intelligibilis est meridies, ibi & tu Christo meritis tuæ epulas exhibebis, & in divitiis ejus etiam ipse pasceris. Haec tenus Ambrosius. Hora igitur sexta Abraham tres Angelos in typum Sanctissimæ Trinitatis hospitio suscepit. Equidem, ut observat Origenes *k*, ad Abraham venerunt tres vii meridie, ad Loth duo vespere venerunt: non enim capiebat Loth meridianæ lucis magnitudinem, cuius capax erat Abraham. Joseph item ex hac hora instructo fratribus convivio admirandum Eucharistiae Sacramentum præfiguravit. Eadem hora mulier Samaritana *l* ad Christum sedentem super puteum fiducialiter accedens edocta est ab illo, quemadmodum Deus sit adorandus, quid sit aqua viva, quid fons saliens in vitam æternam. Notat autem Chrysostomus *m* eam hora sexta ivisse ad huiusmodi aquam, quia ipsa hora mandatum in paradiſo Eva transgressa est. Petrus *n* quoque hac hora ascendit superiora, ut oraret, & in mentis excessu vidit linteum magnum submitti de celo in terram, in quo erant omnia quadrupedia, & serpentia terræ, & volatilia cœli, ex qua visione futuram Gentium conversionem intellexit. Omitto ex Origene *o*, Anselmo *p*, Beda *q*, Theophylacto *r*, & aliis, quod sexta hora Protoparentes nostri mortiferum illud veritæ arboris pomum comedenter humani generis ante parentes, quam parentes. Omitto ex Augustino *s* quod sexta hora sextam mundi ætatem denotat tanquam senectutem veteris hominis, quo jubemur exi, ut induamur novo, qui secundum Deum creatus est. Omitto quod ipsa hora ad senarii numeri perfectionem mysterio non caret *t*: Senarius enim inter perfectos numeros primum locum tenens Quidam laudis indicat perfectionem. Omitto quod sicut hora prima incipientium statum, tertia proficientium designat, ita sexta perfectionis, sanctitatisque culmen manifestat.

## A a a a a

## 3. Aliud

*i Psalm. 36. k Origen. hom. 4. in Genesim. l Ioann. 4. 6. m Chrysost. orat. in Samaritanam tom. 5. n Act. 10. 9. o Origen. tr. 35. in Matth. p Anselm. seu Petrus Babyon in Matth. c. 27. v. 45. q Beda. r Theoph. ibid. l Aug. L. 83. qq. qu. 64. t Amalar. l. 3. c. 5.*

3. Aliud spectaculum est sexta hora exhibitum, aliud mysterium hac hora impletum, quod animum meum magis percellit, commovet viscera, concutit mentem, calamum urget, Christus Dei Filius, heu quantum in hoc nomine & doloris, & sensus! Jesus inquam Salvator mundi hac ipsa hora pro salute nostra crudeliter crucifixus. Ita sane congruum fuit, ait Cyrilus Hierosolymitanus <sup>u</sup>, ut, quo tempore eversio fuit, eodem fieret reparatio. Congruum fuit, ut, unde mors oriebatur, inde vita resurgeret: & eadem hora, qua morbus irrepserat, remedium applicaretur. Ecce Abel occisus à fratre, ecce Isaac ligatus à patre, ecce serpens æneus in deserto exaltatus à Moysè, ecce Agnus immaculatus in lege, Deus occisus ab homine. Ecce, homo, vita tua quasi pendens ante te. Hostia scilicet pacifica, hostia pro peccatis extra templum, extra civitatem, extra castra immolatur, ut veterum victimarum figurâ cessante, hostia nova novo altari imponeretur, & crux Christi gloriose in conspicetū totius orbis exaltaretur: ipso Domino magna promissionis fidem adimplente, qui dixerat x; Et ego si exaltatus fuero à terra, omnia traham ad me ipsum. Ne quæreras ultra, o Sponsa, ubi cubet Sponsus in meridie: crux lectulus ejus est, crux locus quietis ejus, in quo facibus amoris totus exardescens suavissimè meridiatur. Et quidem cùm animam potestate sua positurus esset, & quo genere mortis id facere vellit, ejus subfessus arbitrio, suspendium elegit anima ejus, ut suspensus à terra nos secum à terrenis ad superna elevaret. Dicamus igitur & nos cum sancto Job <sup>y</sup>, Suspendium elegit anima mea, & mortem ossa mea. Mors ossium mortificatio carnis est, inquit Absalon Abbas <sup>z</sup>, suspendium celstudo contemplationis. Et certe dulce suspendium est cœlum oratione pulsare, sancta meditatione penetrare, mirari Angelorum felicitatem, venerari justorum beatitudinem, devotione Deum querere, dilectione apprehendere. O si spiritus assumeret me cum Propheta <sup>a</sup> inter cœlum & terram, quam dulce suspendium foret anima mea! Ut, quæ assurgere nequit ad celstidem contemplationis, saltem à terra paulisper elevata ad portas mortis non appropinquet. Experciscere anima mea, & quæ non potes ad alta Dei attolli, infirma ejus virtute qua vales amplexare; dirige mentis aciem ad figuram cla-

vorum, ad cicatrices vulnerum, & quem regnantem super choros Angelorum intueri non vales, cruci affixum contemplare. Immerge te in sanguine Christi crucifixi, ut Seraphica virgo Catharina Senensis <sup>b</sup> hortatur; lava te in sanguine, satia & inebria te sanguine, induere sanguine, contristare & lætare in sanguine, crede in sanguine, confortare in sanguine, curre, vive, & permane in sanguine. Quid enim tam pium fidelium affectibus, inquit Guerricus Abbas <sup>c</sup>, quid tam medicinale moribus, quid sic interficit peccata, crucifigit vitia, virtutes nutrit, & roboret, sicut crucifixi memoria? Loquatur ergo Paulus inter perfectos sapientiam in mysterio absconditam, mihi, cuius imperfectionum vident etiam oculi hominum, loquatur Christum crucifixum, his quidem qui pereunt stultitiam, mihi autem, & his qui salvi fiant planè Dei virtutem, Deique sapientiam: mihi prorsus altissimam, atque nobilissimam Philosophiam, per quam infatuatam irrideo tam mundi, quam carnis sapientiam. Quam perfectum me putarem, quam proiectum in sapientia, si crucifixi vel idoneus inveniret auditor, qui factus est nobis à Deo non solum sapientia, sed & justitia, & sanctificatio, & redemptio <sup>d</sup>. Omnia si Christo confixus es cruci, sapiens es, liber es. An non sapiens, qui cum Christo exaltatus à terra sapit, & quærerit quæ sursum sunt? An non justus, in quo destructum est corpus peccati, ut ultra non serviat peccato? An non sanctus, qui semetipsum exhibuit hostiam vivam, sanctam, placentem Deo? An non liber, quem filius liberavit <sup>e</sup>? Dicant igitur <sup>f</sup>, qui redempti sunt à Domino, quos redemit de manu inimici, dicant vocem magna, f Mibi autem abfit gloriari, nisi in cruce Domini nostri Iesu Christi. Hoc est præcipuum horæ sextæ Sacramentum, cui sanctus Prosper Aquitanicus <sup>g</sup> addit Christum eadem hora in cœlum ascensisse. Sicut enim hora sexta crucifixus est, sic & ascendit in cœlum, ut doceret nos exemplo suo, quia per multas tribulationes oportet nos intrare in regnum Cœlorum. Præcessit ille bajulans sibi crucem, ut & tu tuam portes crucem, & mori affectes in cruce. Non est salus animæ, nec spes æternæ vitæ nisi in cruce, ut sancte scribit nunquam satius lau-

<sup>u</sup> Cyril. Hierosol. cat. 14. <sup>x</sup> Joann. 12: 32. <sup>y</sup> Job. 7: 13. <sup>z</sup> Absalon Abb. Serm. 5. in Adven. a Ezech. 8: 3.

<sup>b</sup> Catbar. Senen. ep. 14. ad Raymundum. <sup>c</sup> Guerric. ser. 2. in Dominicam Palmiarum. <sup>d</sup> 1 Cor. 1: 30. <sup>e</sup> Psal. 106. <sup>f</sup> Galat. 6: 14. <sup>g</sup> Prosper. sent. 203. ex scriptis Aug.

laudatus Auctor piissimi libelli de imitatione Christi b. Ad crucem igitur aspira anima mea, crucem dilige, crucem amplectere, sponsum tuum cruci confixum contemplare. Hic enim fervet amoris meridies, hic Sol in auge est, hic ardor meridianus inayalescit, & in plenitudine lucis dilatat radios dilectionis. Felix meridies, si nunquam vergeret ad occulum, si calor ejus nunquam tespesceret, si liceret animæ in fervida ejus luce diu cum sponso permanere. Sed non est hujus vitæ tanta felicitas, nam post Sextam sequitur Nonna, qua hora fuscatur splendor, fervor tepescit, & die ad Vesperam inclinante instabilitas, & imperfæcio humanæ mentis indicatur.

*h Lib. I. cap. 12.*

## CAPUT IX.

## DE NONA.

## §. I.

*Humanarum rerum inconstantia. Eaper Nonnam designatur. Utilitas tentationum.*

Ergo semper in lubrico versamur miseri homines, & nunquam in eodem statu permanemus. Siccine certa lege statuum est, ut nihil stabile reperiatur sub sole, contrariis motibus, perpetuaque vertigine circumvolvantur universa? Haec nimur naturæ nostræ conditio est. Circulus quidam humanarum revolvitur rerum, ut Agapetus a Diaconus sapienter scribit, qui modò sic, modo aliter agitat ipsas, & circumfert, atque in his inæqualitas est, eo quod nihil ex præsentibus in eodem statu permaneat. Et quis est qui possit in hac versatili rerum mutatione seipsum semper immutabilem exhibere? Nesciunt stare successus, ait quidam declamator b, & quoties prodire felicitas non potest, reddit. Rectè Basilius c Imperator ad Leonem filium; Existima, fili, vitam istam nihil fixum, nihilque stabile, aut perpetuum habere; nam subinde res aliter, atque aliter variantur, & rotæ in morem, quæ circumvolvitur, ea quæ sursum sunt deorsum feruntur, & quæ deorum jacent, sursum evehuntur. Glorietur David d

in abundantia sua, & dicat, *Non movebor in æternum.* Deus vero faciem ab illo parumper avertat, jam effunduntur gressus ejus, jam labitur, jam conturbatur. Viætrices manus attollat Moyses e in cælum; mox enim fatigatas, segnesque demittet, & vincet Amalechites. Jaëtet se Petrus f morem ultro appetens pro Christo, mox ad vilissimam ancillula vocem ipsum Dei Filium turpi sacrilegio denegabit. Grandia nos etiam spiremus facinora, dum Sol in auge, dum meridies in mente, dum lux plenior fulget in anima: jam enim ad vesperam vergente sole, jam senescente die, jam nocte approquinquante nos etiam tepefescimus & declinamus, ac præcipites labimur in deteriora. Inconfitans est vita nostra, ærumnosa peregrinatio, vita caduca, vita laboriosa, in qua momentis singulis per varios mutabilitatis defectus diversis motibus agitamus. Bibimus de calice mixto ex hoc in hoc, veniunt super nos tempora multa, tempus amplexandi, tempus cessandi ab amplexibus, tempus ridendi, tempus flendi. Sed heu JESU bone! si appendantur in statera horæ gaudii, & horæ luctus; horæ lucis, & tenebrarum, quasi arena maris hæ graviores apparebunt. Quam citè declinat dies, tepefescit calor, meridies occumbit, & ingruente vespera finitur: Sed ita gradiendum est, donec videatur Deus Deorum in Sion, donec aestuet ille meridies, quem nulla potest umbra offuscare. Dies, & nox, fervor, & tempor alteris vicibus regnat in anima. Nunc praesente dilecto triumphat & exultat: nunc illo fugiente luget, & fit velut mare contritio ejus. Veruntamen justè hæc patitur, si fortè respexit in vanitates, & insanias falsas: tunc enim Sponsus ab illa recedit, & iracundiam simulans nec suspirans, nec lacrymis revocatur. Quod si etiam meridiano calore succensa ardeat charitate ut Seraphim, dum tamen peregrinatur à Domino, mutationi subjaceat necesse est. Fidem præstet hūc doctrinæ admirabili sua eloquentia Augustinus g. Festa, inquit, cum hic homines celebrant suæ luxuriæ; consuetudinem habent constituere organa ante domos suas, aut ponere symphoniam, vel quæcumque musica ad luxuriam servientia, & illiciencia, & ubi auditæ fuerint hæc, quid dicimus qui transimus? Quid hic agitur? Et respondetur nobis aliqua ecclœ festa. Natalitia celebrant, nuptiæ hæc sunt: ut non videantur inepta illa cantica, sed excusat festivitate lætitia. In domo Dei festivitas sempiter-

<sup>a</sup> Agapet. de off. Regis ad Justinianum Imp. cap. 11. b Cal. Flaccus decl. 8. c Basil. in exhortat. ad filium cap. 38. d Psalm 29.

A a a a 2 na  
e Exod. 17: 11. f Matt. 26: 39, 70. g Aug. in Ps. 41.